

HIC JACET

Utroque in orbe eternum victurus.

LUDOVICUS JOSEPHUS DE MONTCALM-GOZON,

*Marchio Sancti Verani, Baro Gabriaci,
Ordinis Sancti Ludovici Commendator,
Legatus Generalis exercituum Gallicorum,
Egregius et civis et miles,
Nullius rei appetens præterquam veræ laudis,
Ingenio felici et litteris exulto,
Omnes militiæ gradus per continua decora emensus,
Omnium belli artium, temporum, discriminum gnarus,
In Italiâ, in Bohemiâ, in Germaniâ,
Dux industrius;
Mandata sibi, ita semper gerens ut majoribus par haberetur,
Jam clarus periculis,
Ad tutandum Canadensium provinciam missus,
Parvâ militum manu hostium copias non semel repulit:
Propugnacula cepit viris armisque instructissima,
Algoris, inædiæ, vigiliarum, laboris patiens,
Suis unice prospiciens, immemor sui,
Hostis acer, victor mansuetus.
Fortunam virtute, virium inopiam peritiâ
Et celeritate compensavit,
Imminens coloniæ fatum et consilio et manu per
Quadriennium sustinuit;
Tandem ingenti exercitum duce strenuo et audaci,
Classemque omni bellorum mole gravem,
Multiplici prudentiâ, diù ludificatus,
Vi pertractus ad dimicandum,
In primâ acie, in primo conflictu, vulnegratus,
Religioni, quam semper coluerat, innitens,
Magno suorum desiderio, nec sine hostium
Mœrore extinctus est,
Die XIV Septem. A. D. M.DCC.LIX.
Ætat. XLVIII.
Mortales optimi ducis exuvias, in excavata humo,
Quam globus bellicus decidens, desiliensque defoderat,
Galli lugentes deposuerunt
Et generosæ hostium fidei commendarunt.*